

堅

瓠

集

堅瓠四集卷之二目錄

風雪談經

前身和尚

守歲詞

蛙謎

得窮鬼力

殺人手段

昭陵夫人詞

巴家富

題太白墓

鐵袈裟贊

謝氏婦

孟淑卿

雷擊李林甫

五女歌

戲目詩

結草障面

羶根

各賦一物

傅公謀詞

詩嘲楊文貞

閩談

沈石田對

左布政對

築長城

夢作靴銘

冤家

俏冤家

漂母圖

地理

一丈紅

占米

詩非女子所宜

措大

妓笑貧士

御書錢

吟詩止娶

罷要詞

舟子請仙

鄴侯尙仙

紫姑吟筆

黃雀樓詩

咏殘荷

王越詩

水仙子

清江引

谷夸使對

白水滌

黃巢詩

賦善使事

狗情榜詩

破蚊陣露布

易彥章妻詞

蔡京恩寵

天子請客

女狀元

咏繹夫

顛不刺

孫汝權辨

琵琶記辨

西施

着膊着肚

聖瓠四集卷之二

長洲石農楮人獲學稼纂輯

風雪談經

晁氏客語元祐間呂原明侍講大雪不罷
講講孟子有感哲廟一笑喜爲二絕云水
晶宮殿玉花零點綴宮槐卧素屏特勅下
廉延墨客不因風雪廢談經
強記師承
道古先無窮新意出陳編一言有補天顏

皇朝通志 卷之二
勤全勝三軍賀凱還

前身和尚

梅溪王十朋祖母之兄嚴闡黎字伯威博
學能文戒行修飭有聲江浙間亡後托夢
於十朋之祖手集衆花爲毘字祖而遺之
曰孝祖君家令郎求此久矣是年十朋生
幼從學鹿岩人曰昔叢闕黎眉濃黑而垂
目深而神藏此子眉目似之他日必能文

也後十朋果以文名世嘗作天台石梁詩
曰石橋未到已先知入眼端如入夢時僧
喚我爲巖首座前身應寫石橋碑

守歲詞

深雪偶談薛沂叔詠久客江湖瀕老懷歸
客中作守歲詞曰一盤消夜江南果吃栗
看書只清坐罪過梅花料理我一年心事
半生牢苦盡向今宵過此身本是山中箇

繞出山來便帶差手種青松應是大縛茅
深處炮琴歸去又是明年詔

蛙謎

廬陵官下記唐曹著機辨有客試之因作
蛙謎云一物坐也坐卧也坐立也坐行也
坐著應聲曰在官地在私地著亦作一謎
曰一物坐也卧立也卧行也卧走也卧卧
也卧客不解著曰我謎吞得你謎客大慚

得窮鬼方

崔林玉露齊景公有馬千駟死之日民無
得而稱伯夷叔齊餓于首陽之下民到于
今稱之楊子雲作法言蜀之富人載錢五
十萬求書名其間子雲以富無仁義正如
圈鹿欄牛不肯妄載李仲元鄭子真不持
錢子雲書之至今與日月爭光觀韓退之
送窮文歷述窮鬼之害至末乃云吾立子

名有世不磨是到底却得窮鬼力夷齊李
鄭亦所謂得窮鬼力者也

殺人手段

宗杲論禪云譬如人載一車兵器弄了一
件又取出一件來弄便不是殺人手段我
則只有寸鐵便可殺人朱文公亦喜其說
蓋自吾儒言之若子貢之多聞弄一車兵
器者也曾子之守約寸鐵殺人者也

昭陵夫人詩

紫薇雜記晁伯禹戴之學問精確嘗作昭陵夫人詩云殺翁分我一杯羹龍種由來事杳真安用生兒作劉季暮年無骨葬昭陵

巴家富

巖下放言李學卿黨長女適巴長卿巴氏貧甚處之恬然其妹適富家鄒氏嘗笑之

長女作詩云誰道巴家窘一作富鄒巴家十

倍鄒池中羅水馬階下列鬪牛燕麥儲無

數榆錢散不收夜來添驟富新月掛銀鈎

題太白墓

蓬軒吳記采石江頭李太白墓在焉往來
詩人題詠不絕有客詩一絕云采石江邊
一杯土李白詩名耀千古來的去的寫兩
行魯般門前棹大斧

鐵袞裝贊

文海波沙靈巖有鐵袞裝一具形質竒古
有監司爲贊數語鐫字其上識者多爲山
靈懊恨又竹坡詩話載夔峽道中有杜少
陵題詩以天字爲韻榜之梁間自唐至今
無敢作者一監司見而和韻大書其側後
人嘲之曰想君吟咏揮毫日四顧無人膽
似天以古準今其揆一也

謝氏婦

陸詒孫說聽泖湖謝氏松江右室也明初
被籍沒坐誅婦某有殊色給配象奴婦給
奴曰待我祭亡夫乃從爾奴信之婦攜一
物至武定橋哭奠賦詩云不忍將身配象
奴自攜麥飯祭亡夫今朝武定橋頭死一
劔清風滿帝都遂伏劔死

孟淑卿

蓬軒吳記孟校官澄女字淑卿色美能詩
嘗過慧日菴訪尼僧書其亭曰矮矮墻圍
小小亭竹林深處晝冥冥紅塵不到無餘
事一炷香消兩卷經此詩殊雅其集多桑
間之詠不足取也○說聽載淑卿詠楊妃
菊云霓裳舞罷小腰肢低首臨風幾許思
莫恠姿容太妖冶半緣卍酒半臙脂詠美
人觀蓮圖云綠槐蟬靜日偏長懶裝金鑪

百和香莫摘池中蓮子看箇中多半是空
房春歸云落盡棠梨水拍堤萋萋芳草望
中迷無情最是枝頭鳥不管人愁只管啼

雷震李林甫

湧幢小品永樂間雲南趙州雷擊死一夸
人朱判其背曰木子唐朝一佞臣罰他干
劫在牛群而今逃脫爲斧士霹靂來尋化
作塵火烙字曰李林甫

五女歌

河南許州離城東南四十里地名五女店
人居稠密爲往來孔道仕商止宿之所康
熙戊辰秋蘭谿章立之禮過其地因名詢
實訪之士人相傳昔有夫婦生五女而無
男五女漸長父母欲以次許人五女不從
齊告父母願侍父母終天嫁亦未遲及父
母亡五女殯葬周備廬於墓側者三載服

除人嘉其孝行爭欲娶之五女竟不字人
同日從容自縊土人震悼上聞并築五墓
分列親墓之側號五女墩惜不知五女爲
何代人其父母何姓也嗚呼五女以一介
女流性鍾純孝因無兄弟孺慕益堅無心
外嫁不特以身依親於生前卒皆以身從
親於地下求之鬚眉男子尚不易遘况閨
帷弱植能敦一本以終其身寧非天地間

一率觀事哉以其可以風世故於景仰之
餘作歌以揚之人生天地間父母最所重
但愧庸庸人鮮能常敬奉詎意弱息中百
世遺芳踪同懷五姊妹上下無弟兄願爲
代老兒不願爲人婦父母欲許人媵語辭
以故云無弟與兄膝下誰瞻顧晨昏奉旨
甘左右不離步待親百年餘于歸未云暮
五女金石心懿性夙鍾成孝純義更篤五

人如一人親存願同事親沒亦從親喪葬
禮俱備五女志已遂相對各投繯共隨親
於隧鄉黨皆震驚佳名 朝野聞旣爲表
其間復爲築其塋君不見許州城外五女
塚五塚旋遶二親墳此間黃土蓋白壁此
中女魄勝男魂又不見往來多少鬢眉漢
幾人孺慕終不變閨中有此丈夫行萬年
千載人爭羨

戲目詩

解人願有集戲目七言律詩四首云
瑞玉妝成翡翠鈿
囀中人去奈何天
焚香喜拜鴛鴦塚
投筆愁看燕子箋
一種情深高事足
二奇緣淺想當然
白羅衫染雙紅淚
水滸桃花笑獨眠
一紅梨花發
綰春圓
拜月陳情祇自言
喜慶有餘惟異夢
懷香不斷憶還魂
玉簪粧盒
晨開匣
金鎖幽閨
晚閉

門彈罷琵琶檢書讀翠屏山外四聲猿二
百花亭上古花魁女狀元推女秀才療妬
羹休烹白兔歲寒松已映紅梅嬾收釵釧
金鈿盒閒解連環玉鏡臺四節何時開口
笑繡儒還帶淚痕裁三檢點南樓百寶箱
雙珠猶在舊羅幃君提寶劍清風寨妾守
荆釵酒墨堂嶺外鷺鴻蕉帽繫池邊躍鯉
錦箋藏西遊書上馬陵道東郭邯鄲是故

鄉曰辛未夏日觀女優演雜劇亦集成四
律軟藍橋畔釣魚船貫酒旗亭小洞天河
上盟言題扇贈眉山秀句綵毫傳龍膏能
續情燈影獅吼無驚畫舫緣開放春桃遍
地錦漁家樂事永圓玉殿緣成天馬
媒人中龍虎奪秋魁珍珠衫映明珠樹碧
玉串聯雙玉杯寶鼎香濃組拂舞銀旂酒
滿紫簫頰風流院主風流配羅帕題紅莫

浪猜 金雀酬恩義俠奇登科雙捷報親
知全家慶賜珊瑚玦雙合歡彈琥珀匙折
桂欣逢三桂侯銜環喜值王環期錦衣歸

第滿牀笏吉慶圖中五福滋 金印雙魚

腰下黃

宋人有腰下甚時黃及腰黃何日重之句

女開科第狀

元香三星照戶祥麟現四喜臨門鳴鳳翔

題塔才名馳七國埋輪功績振三綱見孫

福祿文章用五代榮華百歲坊

結草障面

獨異志宇宙初開之時止女媧兄妹二人
在崑崙山而天下未有人民議以爲夫婦
又自羞耻兄與其妹上崑崙咒曰天若遣
我二人爲夫妻而烟悉合若不使烟散於
是烟頭悉合其妹來就兄乃結草爲扇以
障其面今人娶婦用內外方巾花髻如扇
象其事也

羶根

文海披沙唐薛昭緯遭黃巢亂流離飢餓
遇舊識銀工延接飲饌甚豐昭緯以詩謝
之曰一搽羶根數十皴遂盤中猶更有鮮
鱗早知文字多辛苦悔不當初學冶銀羶
根羊肉也

各賦一物

吳郡張純少有清才與同郡張儼未異往

見驃騎將軍朱據據聞三人才名欲試之
曰今三賢屈顧老鄙涓甚矣爲吾各賦一
物然後就坐純曰驟裹以迅驟爲工鷹隼
以輕疾爲妙何必積思請自立成據大悅
純賦席曰席爲冬設簟爲夏施揖讓而坐
君子攸宜儼賦犬曰守則有威出則有獲
韓盧宋鶻名書竹帛異賦弩曰南岳之幹
鍾山之銅應機命中射隼高墉

傅公謀詞

傅公謀水調歌頭詞云草草三間屋插槿
旋添裁碧紗牕戶眼前都是翠雲堆一月
山翁高卧踏雪前村清冷木落遠山開惟
有平安竹留得伴寒梅喚家僮開門看有
誰來相逢一笑清話煮茗更傳杯有酒且
添箇月有月且添箇客醉舞起徘徊明日
人間事天自有安排

詩嘲楊文貞

廬陵楊文貞士奇爲相日鄉人有貢入胄
監候選久不授官者懇文貞開仕路文貞
不允遂放還待取因作詩云五十餘年做
秀才故鄉依舊布衣回回家及早養兒子
報了賢良方正來蓋譏文貞緣是科致顯
也水東日記云翰林尹鳳岐好作詩諷切
時事時應詔舉賢良方正卽得授八品官

簡太學年五十以上者悉放歸尹作是詩
以譏之云

閩談

石田雜記陳啓東

震

諭學寧德常作詩述

閩人常談云鬻音鳩舌語胡塗雨落番將

禍斷呼誰信捷桃原是耍恁知詐講與人稱說

也荒郊云誣長公仔貶南瓜賣李到屋家猶

也門書老酒沽昨聽鄰家鳥新婦聲聲明

自喚狸奴

其罵聾云貌狸即貓呼如吳人云杜貨也

聞人聞

之亦爲絕倒

沈石田對

沈石田嘗燕吳原博宅與陳啓東同席啓東強石田酒石田不勝杯酌啓東云如辭飲須對句可準時解元賀思字其榮首席啓東云思作解元禮合賀其榮也次座爲陳進士策字嘉謨石田應聲曰策登進士

職當陳嘉謨焉爲之哄堂

左布政對

成化十七年浙藩左大參贊入覲出京時
夢一人出對云參政布政爲黎庶之福星
左問其姓氏荅曰某蘓州賀恩前科解元
也左隨對云解元會元鍾山靈之秀氣至
蘓尋訪賀其榮一觀其容儼如夢中所見

云

築長城

金罍子何燕泉謂杞殖字梁春秋時齊人
去趙及秦築長城時不啻數百年而列女
傳及樂府注所謂城崩乃杞都城非長城
也秦趙所築長城去杞都不啻數千里唐
僧貫休賦杞梁妻云秦之無道兮四海枯
築長城兮遮北胡築人築土一萬里杞梁
貞婦啼烏烏二事打合成調不知何據予

按貫休賦杞梁妻事雖無據而誤亦有因
秦築長城以拒胡齊亦嘗築長城以備楚
括地志云齊長城西北起濟州平陰縣緣
河歷太山北岡上經濟州濰州卽西南宛
州博城縣北東至密州瑯瑯臺入海而齊
紀以爲齊宣王所築竹書紀年曰齊閔王
築未知孰是但旣曰備楚則楚之抗衡中
國宜莫盛於春秋蓋杞梁妻哭而崩者疑

卽齊所築之長城頤洞相傳世遂以爲秦
之長城詩家不考所出又未審杞梁何時
何地人死於何事遽以梁爲死於秦長城
之役耳今遼東前屯衛中所芝蘇灣有石
人立海濱若世所謂望夫石者而世又相
傳以爲杞梁妻孟姜者哭夫死因葬於此
則影響附會而形音逾遠逾失其本真者
也

夢作靴銘

蘓東坡倅杭時夢仁宗召入禁中宮女圍
侍一紅衣女童捧紅靴一隻命爲銘之覺
而記其一聯云寒女之絲銖積寸累天步
一作所臨雲蒸霞起既畢進御上極歎其
敏使宮女送出睇視裙帶間有六言詩一
首云百疊漪漪風縐六銖縱縱雲輕植立
含風廣殿微聞環珮搖聲

冤家

葦航紀談詞人多用冤家不知何所出閱
烟花記謂冤家之說有六情深意濃彼此
牽繫寧有死耳不懷異心所謂冤家者一
也兩情相繫阻隔萬端心想魂飛寢食俱
廢所謂冤家者二也長亭短亭臨岐分袂黯
然消魂悲泣良苦所謂冤家者三也山遙
水遠魚雁無憑夢寐相思柔腸寸斷所謂

冤家舊也憐新棄舊辜恩負義恨切惆悵
怨深刻骨所謂冤家者五也一生一死觸
景悲傷抱恨成疾迨與俱逝所謂冤家者
六也○畫墁錄饒州彭汝礪妻審氏熙寧
中復納宋養明宋氏有姿色彭委順不暇
典九江病革索筆書曰宿世冤家五年夫
婦從今而後不打這鼓投筆而逝○金文
通息齋云冤不簇不成眷屬可見六親皆

冤家聚會今俗有歡喜冤家小說始則兩
情眷戀終或至於仇殺真所謂不是冤家
不聚頭也疾讀一過可當慾海晨鐘

俏冤家

亦巢偶記俗呼薰猪耳爲俏冤家不知何
所取意里巷至今傳之一日予同一二友
至虎丘遊衍久之思飲甚切然所携杖頭
僅百文因思猪耳價輕可口令僮買之佐

酒久不至一友忽唱時曲云俏冤家何事
還不到衆大噱

漂母圖詩

杭城一士家壁掛漂母圖上有二絕云千
金報德未爲奇阿母何須便怒爲若使王
孫知此意肯教怏怏受誅夷
一飯常懷報德深歸來不負贈千金豈知漢祖酬功
日不與王孫共此心二詩皆有深意

地理

堯山堂朱韋齋松晦菴先生父也酷信地理嘗招山人擇地問富貴何如山人久之
荅曰富也只如此貴也只如此生箇小孩
兒便是孔夫子後生晦庵果爲大儒文公
爲同安主簿日民以有力強得人善地者
索筆題曰此地不靈是無地理此地若靈
是無天理後得地之家不昌

一丈紅

成化甲午倭人入貢見蜀葵花不識因問
國人給之曰此一丈紅也倭人以紙狀其
花題云花於木槿花相似葉與芙蓉葉一
般五尺欄干遮不盡尙留一半與人看太
守以其不誠於遠人杖而遣之

占米

陶淵明爲彭澤令公田悉令種秫稻俗謂

之糯米爾雅註秣謂黏粟也說文秣稷之
黏者也本草圖經丹黍米黏者爲秣今人
謂糯米曰占米或從黏字省文耳鴻書云
占城稻成實早而粒稍細聞見卮言謂占
米之名始於宋真宗祥符五年江淮水田
不登聞占城國稻早熟耐旱遣使以珍貨求
其種得萬斛散於民間故名占米今又謂
之元米未知何故

詩非女子所宜

墨客揮犀毘陵士子李某一女年方十六
頗能詩甚有佳句有拾得破錢詩云半輪
殘月掩塵埃依稀猶有開元字想見清光
未破時買盡人間不平事又有彈琴詩云
昔年剛笑卓文君豈信絲桐解誤身今日
禾彈心已亂此心元自不出人雖有勸致
大非女子所宜

措大

資暇錄世稱士流爲醋大言其峭醋而冠
四民之首一說衣冠儼然黎庶望之有不
可犯之色如醋之酸而難飲也故又謂之
酸子或云在宥士人貧居新鄭之郊以驢
負醋巡邑而賣邑人指其醋馱而號之新
鄭多衣冠所居因總被斯號又云鄭有醋
溝其溝東尤多甲族以甲乙叙之故曰醋

大愚爲四說皆非醋宜作措言其能舉措
大事也因酸子誤以爲醋大耳

妓笑貧士

郡閣雅言崔公佐牧名郡日宴賓僚有一
客巾履不完衣破肘見突筵而入崔喜其
來令下牙籌引滿數觥神色自若妓駭其
藍縷因大噱各賦詩云破額幞頭衫也穿
使君猶許對華筵今朝幸倚文章守遮莫

青娥笑揭天崔令掩口無咄賢士

御書錢

侯鯖錄前世錢文未有草書者淳化中太宗始以宸翰爲之旣成以賜近臣崇寧大觀御書錢蓋襲故事也王元之禹偁謫商於有詩云謫官無俸突無烟唯擁琴書盡日眠還有一般勝趙壹囊中猶貯御書錢

吟詩止娶

陸詒孫說聽嘉興女子朱靜庵父亦士人
爲教諭周汝航濟之妻能詩多佳句父執
某有青衣曰寒梅妻亡欲圖再娶萌開閣
之意青衣過靜庵泣訴其情靜庵曰吾能
止之因題一絕於扇令人持視父執云一
夜西風滿地霜粗粗麻布勝無裳春來若
覩桃花面莫負寒梅舊日香父執見詩感
其意不復再娶

罷耍詞

元人有叨叨令帶風入松詞云罷罷耍耍
花花世界儘寬大五斗米折不得彭澤腰
一碗飯受不得淮陰嘍種幾畝硿平瓜卜
幾文君平卦快活心坎上無牽掛耳邊廂
沒嘈雜世上人勞勞堪訝你看那秦代長
城替別人打漢朝樓寢被偷兒扒魏時銅
雀臺到於今沒片瓦哈哈名利場最梵搭

班定遠玉門關枉白了青絲髮馬新息銅
柱標抵不得明珠價哈哈更有一般堪詫
動不動說甚麼玉堂金馬虛費了文園筆
札只恐怕渴死了漢相如空落下文君再
寡罷罷要要到頭來都是假憑你事業伊
周文章賈董少不得北邙山下俺歸去也
身不關陶唐虞夏夢不想爭王定霸容膝
的竹籬茅舍忙手的琴棋書畫忘機的鷗

魚鳧鴨適口的淡飯粗茶檻外薔薇高架
庭前蘭蕙初卸俺也不聾不啞肯把韶光
虛謝閒時節從負郭問桑麻遇隣翁數花
甲哈哈鐵笛兒在牛角上掛酒瓢兒在漁
竿上插詩囊兒在驢背上跨眼底事拋却
了萬萬千千杯中物直飲到七七八八醉
中日月真無價哈哈耍罷就罷濃睡在十
里松陰下一任黃鸝罵

舟人請仙

逢軒吳記有客行貨金陵舟人見客孤身
夜殺客而取其所有遂富棄舟不操逾年
生一子甫弱冠蕩費家業父或訓戒反被
毆胥鄰有術士召仙甚驗舟人往拜冀其
修改仙附乩書曰六月初三風雨惡楊子
江頭一着錯汝兒便是搭船人請君自把
心頭摸悚懼而退不數日憂悸而死

鄴侯尚仙

賈氏談錄李鄴侯泌好仙雖爲輔相頗有
靈異之事吳人顧况師事鄴侯得服氣之
法能終日不食西遊長安鄴侯一覓如故
相識遂待以殊禮及鄴侯卒况感其知遇
作海鷗咏以寄懷大爲權貴所嫉貶饒州
司戶詩曰萬里飛來爲客身曾蒙丹鳳借
枝柯一朝鳳去梧桐死滿目鴟鴞奈爾何

紫姑咏筆

齊東野語載紫姑咏筆云系出中山骨欲
仙何人扶頰縛尖圓狂僧堪笑堆成塚豪
客曾聞掃似椽臆下玉蟾涵夜月几間雪
繭湧春泉當時定遠成何事輕擲毛錐恐
未然間居筆記解學士潘亦有咏筆詩云
紫竹織毫線紫成如龍似虎伴書生渴來
王硯池中飲飽向花箋紙上行寫本告王

臣宰懼題書入廟鬼神驚雖然不是龍泉
劍曾與君王定太平

黃雀樓詩

毘陵間筆宋廣安游景仁侶南渡四賢相
之一也楚誌傳其黃雀樓詩云長江巨浪
拍天浮城郭參差萬景收漢水北吞雲夢
入蜀江西帶洞庭流角聲交送千家月帆
影中分兩岸秋黃雀樓高人不見卻隨鸚

鷓鴣過汀州

咏殘荷

陳湖張浣心冷傳學能詩康熙丙辰廣德
州學傳沈韶九曾成彙集詞客出花草圖
冊拈幅題咏浣心拈得殘荷檢視画册乃
荷葉黃落之狀浣心卽席口占云水冷風
淒氣已涼荷衣秋老不聞香采蓮人散歌
聲寂明月還來照野塘一座稱善

王越詩

石田雜記威寧伯王越在大同見邊事漸
生醞禍未測情悰不懌乃作詩云來去去
來歸去來千金難買釣魚臺已知世事只
如此借問古人安在哉綠酒有情留客醉
黃花無主爲誰開忠君報國心如火一夜
秋風盡作灰時有和之者云那有伊周事
業來耻隨郭隗上金臺權謀術數何深也

皇朝詩集 卷二 三
局量規模真小哉半世功名如隙過一場
富貴似花開于今門下三千士一半寒心
一半灰傳聞天下以爲誅心之鉄鉞也

水仙子詞

耳談蘄州張伯雨濯官歸作水仙子詞云
歸來重整舊生涯瀟灑酒柴桑處士家草庵
兒不用高和大會清標豈在繁華紙糊窓
栢木榻掛一幅單條畫供一枝得意花自

燒香童子煎茶解人願作楊南峰話

清江引

明宗海翁登春詩有天趣兼善小詞作清
江引詞云糯米酒兒鮮魚鮓還喜生薑辣
秋天不肯明只把雞兒罵呼童兒點燈來
花下耍晚年信口漸入香山

荅夸使對

祝枝山猥談引治中一作成化夸使入朝以一

偶語請館伴對曰朝無相邊無將玉帛作
數相將典客不能對李西涯教以對曰天
難度地難量乾坤度量夸使媿服

白水滌

八閩志白水滌屬上杭縣舊有題白水滌
頭白屋白雞啼白晝未有對者明潮陽林
大欽修撰過此問土得黃泥壠因對曰黃
泥壠口黃家黃犬吠黃昏

黃巢詩

黃巢既遁祝髮為僧名道價在西京龍門
號翠微禪師後住雪竇人稱雪竇禪師開
寶中卒年八十餘揮塵錄載其詩云三十
年前山上飛鐵衣着盡着僧衣天津橋上
無人問獨倚危樓看落暉賓退錄云此乃
元微之贈智度師詩鼠易磔裂合二為一
元集可考一云四十年前馬上飛功名藏

盡擁禪衣石榴園下擒生處獨自閒行獨自歸
二三陷思明三突圍鐵衣拋盡納禪衣天津橋上無人識閒凭闌子望落暉

賦善使事

盤雪叢說一士在虜屋賦帝王之道出萬全絕無故實問一老生荅云一舉空朔庭三箭定天山可用夢在人韓旋爾士謂此事乃人臣非帝王也疑誥之不用後見一

人使得最妙說題目甚透曰一舉朔庭空
寶憲受成於漢室三箭天山定薛侯稟命
於唐宗真所謂九轉丹砂點鐵成金者也

徇情榜詩

明朝小史天順初會試考官多出權貴所
薦及揭曉錄文謬誤去取徇情榜議洶洶
無名詩詞紛然雜出有排律云聖主開科
取俊良主司迷謬更荒唐薛瑄性理難包

括錢溥春秋沒主張吳節只知貪賄賂孫
賢全不曉文章問仁既是無顏子配祭如
何有太王告子冒名當問罪周公係井亦
非常關老賢郎真慷慨總兵令姪獨軒昂
榜上有名誰不羨至公堂作至私堂蓋許
道中之子及石亨之姪皆以私取而錄文
則論題起克己復禮爲仁去顏子孟題本
公都子之言而云告子故詩備言之

破敵陣露布

楊升庵戲作破敵陣露布云非烟女將行
燭姬兵敬奉堂宣式遵闕令破敵陣於乙
夜收鷓捷於寅籌不憚宵征卽陳露布竊
惟蝟化之孽元非貞虫之群似鴨似鵝久
貽害於羊羅鼠夾如虎如豹曾嬖虐於籠
社湖各淮津血國三千曉葉億萬饑方柳
絮安學阿香之聲飽類櫻桃僭擬炎官之

色肖系子子敢偷郁郁佳各捷實茸茸擅
據閣閣要地擬仙遊之夢栩栩難成妬文
苑之恩便便奚用如花越女嘔哦撩亂錦
窻似柳張郎挫精傑豹直靈殿投閒抵隙
乘暗幸昏曉玉肌而嫩花貌猶作嬌嗚刻
香骨而露芳筋未償好志率其不逞實繁
有徒惡冠蚤蜂嘗藥之經恐漏罪浮蛙蝮
待旦之術已窮夙儕誅於金神不蚤降於

青女某等掃除賤役箕帚微能躬糾魚貫
手勘閤觸蠹雖出火攻之下策亦效羽被
之先登灰釘須臾唾負山之何力格戟少
選諒遊臺之豈還俾文人怡神丙枕無展
轉反側之虞偕女君合樹音子音宮叶熊
罷蛇虺之兆好音時遣薰風送忻怍曷勝
提書夜奏清畫同馳聞敢後

易彥章妻詞

易彥章以優校爲前廊久不歸其妻作一
剪梅詞寄之云染淚修書寄彥章貪却前
廊忘却回廊功各成就不還鄉不做心腸
鐵做心腸紅日三竿懶下牀虛度韶光
瘦損容光思量何日得成雙羞對鴛鴦懶
對鴛鴦又作長相思詞云朝有時暮有時
潮水猶知日西西人生長別離來有時去
有時燕子猶知社後歸君行無盡期

蔡京恩寵

碧湖雜記宣政間保和殿西南無有玉真
軒軒內有王華閣卽安妃牧閣也妃姓劉
進位貴妃林靈素以左道得幸謂徽宗爲
長生帝君妃爲九華玉真安妃每神降必
別置妃位畫妃像於其中每祀妃像妃方
寢而覺有酒容群臣世蔡元長以承恩遇
賦詩殿壁云瓊瑤錯落密成林檎竹交加

午有陰恩許塵凡時縱步不知身在五雲
深侍宴于保和殿令妃見京先有詩曰雅
興酒酣添逸興至真軒內見安妃命京賡
補成篇京卽題曰保和新殿麗秋暉恩許
塵凡到繡閣云云須臾命京人軒但見妃
像京詩又云玉真軒內煖如春只見丹青
未見人月裏嫦娥終有恨鑑中姑射未應
真已而至闕妃出見京勸酬至再日暮而

退君門九重乃令人臣縱步褻飲於其間
當時之恩幸可知遂至釀成靖康之禍可
爲萬世君臣之戒○京有保和殿延福宮
尚宴二記紀其事也

天子請客

王岐公珪在翰林時中秋月色清美上召
入對飲夜漏三鼓令左右宮嬪各取領巾
裙帶圍扇手帕求詩內侍舉牙床以金鑲

水晶硯珊瑚筆格玉管筆於公前公略不
停綴人人得其歡心悉以呈上曰豈可虛
辱須與學士潤筆各取頭上珠花裝公幘
頭簪不盡者悉納公袖月將西沉命徹金
蓮燭冷內侍扶掖歸院都下盛傳天子請
睿明年中秋公已叅政蔡確爲學士上講
故事命宮嬪求詩確奏才思短澁酒再行
而止左右不悅云道箇學士何須鍾愛

女狀元

玉溪編事五代王蜀時臨邛縣送失火人
黃崇嘏纔下獄以詩上蜀相周庠曰偶離
幽隱住臨邛行止堅貞比湘松何事政清
如水鏡絆他野雀向深籠庠覽詩召見稱
鄉貢進士應對詳敏卽命釋之後復獻歌
薦攝府司戶參軍明敏多才胥吏畏服庠
欲妻以女崇嘏以詩辭曰一辭拾翠碧江

涯漭竹貧守蓬茅但賦詩自服藍衫居郡
椽永拋鸞鏡回蛾眉立身卓爾青松操挺
志堅然白壁姿幕府若容爲坦腹願天速
變作男兒庠見詩大驚問其本末乃黃便
君之玄幼失恃怙與老姥同居元未從人
庠益仰其貞潔旋乞罷歸臨邛之舊隱後
莫知所終焉丹鉛總錄作庠嫁之傳奇有
女狀元春桃記卽崇淑也

詠緯夫

陸式齋容詠緯夫詩云綠柳堤前雁鷺行
挽舟終日送官忙舟中若載清官去儘受
辛勤也不妨此詩有闕世道宦者宜三復
之○李灌溪先生樓亦有詩云舟行闕緯
夫來往紛如織先後忽相踰勞苦咸自力
交臂一已過而目何曾識如雲信風馳似
鳥飛空急但顧向前行步步無踪跡歸家

各穩坐遠近忘所歷若人能了此一生叅
學畢

顛不刺

萬曆四年張江陵嘗國將南京內庫高皇
所藏寶玩盡取上京中有顛不刺寶石一
塊重七分老米色若照日只見石光所以
爲寶此見金陵瑣事箋西廂記者以顛不
刺爲美好之稱不知何所據

孫汝權

南窓間筆云錢玉蓮宋名妓從孫汝權某
寺殿成梁上題信士孫汝權同妻錢玉蓮
喜捨○聽雨增記孫汝權乃宋朝名進士
有文集行世玉蓮則王十朋之女也十朋
劾史浩八罪乃汝權嗾之理宗雖不聽而
史氏子姓怨兩人刺骨遂作荆釵記以玉
蓮爲十朋妻而汝權有奪配事其實不根

之謗也明丘文莊公之少也其父爲求配於土官黎氏黎謂之曰是兒豈吾快婿耶不許公作鍾情麗集言黎女失身辜輅辜輅廣人呼狗音他口黎得之以百金囑誓坊毀刻而其本已過傳矣

琵琶記辨

大園索隱云元高東嘉則誠與王四友善

四以顯達改操遂棄其妻周氏而坦腹於

時相不華氏東嘉挽救不得作琵琶記以
諷之而托名蔡邕者以王四少賤嘗爲人
傭菜也趙五娘者以姓傳自趙至周而數
適五也牛丞相者以不花家居牛渚也記
以琵琶名者以其中有四王字也張大公
者東嘉蓋自寓也又考真細錄云明高皇
見琵琶記廉知爲王四而作遂執四真之
法○說郭載唐人小說唐有蔡節度者微

時與牛相國僭孺之子繁同學邂逅文字
交尋同舉進士才蔡生欲以女弟字蔡蔡
已有妻趙矣力辭不得既而牛能將順於
趙趙亦無妨於牛東嘉感其事而作此書
但則誠以元人而演唐事何不直舉其人
而故托之伯喈以污讎賢者耶○按伯喈
父名稜字伯直有清白行謚貞定公見後
漢書註易各從簡何意

西施

西施一名夷光越之美女欲見者先輸金
錢一文覬覬子昔人文辭載西施事其說
不一吳越春秋云吳亡西子被殺墨子云
越破吳沉西施於江似當時已死矣宋之
問詩一朝還舊都覩粧尋若邪鳥鷺入松
網魚畏沉荷花似復還舊都矣越絕書云
吳亡後西施復歸范蠡因泛五湖而去杜

教詩西子下姑蘇一絳逐鴟夷則西子卑
心於隨蠶矣及觀東坡詩誰遣姑蘇有麋
鹿更憐夫子得西施又以蠶竊西施而隨
蠶者非其本心也高季迪詩載去西施豈
無意恐留領國更迷君是蠶另有一段苦
心耳○丹鉛總錄修文御覽引吳越春秋
逸篇云吳亡後越浮西施於江令隨鴟夷
以終浮沈也反言耳隨鴟夷者子胥之譖

死西施有力焉胥死盛以鴟夷今沉西施
所以報子胥之忠故云隨鴟夷以終范蠡
去越亦號鴟夷子杜牧之遂以子胥鴟夷
爲范蠡之鴟夷乃墮後人於疑網

着膊着肚

裴略宿衛考滿兵部試判錯一字落第適
溫彥博與杜如晦共坐略訴不行略曰少
小以來目許明辯至於通僻言語堪作通

事舍人解作文章兼能嘲戲彥博令嘲廳
前叢竹略曰竹風吹青蕭蕭凌冬葉不凋
經春子不熟虛心未能容國士皮外何須
生節目彥博喜曰旣解通傳言語可傳語
與廳前屏牆略大聲語曰方今聖上聰明
闢四門以待士君是何物久在此妨賢路
彥博曰此意着博略曰非但着膊亦乃着
肚彥博如晦俱大歡卽與以官